

سنه لکی در سعادت ایچون مجیدیه
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ٤٠ پاره در

تذکره محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملدر

اعلاناتک بهرنندن بر مجیدیه اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

توجیهات

محکمه تمیز اعضاسندن عطفوقلو حسنی افندی
حضرتلرینه ترفیعاً رتبه بالا توجیه بیورلمشدر .

تبلیغات

در سعادت بدایت محکمه سی برنجی وایکنجی جزا
دائرة لرینه مظنوناً سوق اولنان اشخاصدن بعضیسی
بولیس دائره سنده و برطاقی دخی مستنطق حضورنده
اقامتکاه تعیین ایلمش ایکن لاجل المحاکمه تسطیر قلنان
جانبامه لر اوزرینه بولنه ماملرندن طولانی اقامتکاه لرینه
جانبامه تبلیغ ایدلیه رک اقامتکاه تعیین ایچون
اوراقلری اعاده قائمقده و بویکی مقررات قابل استیناف
اولماق حسیله اثنای محاکمه ده وقوعبولان مطالبات
قانونیه نک قبول و ترویجی اسبابنه توسل ایدلیه مامکده
اولدیغندن احوال مسروده نک تکررینه میدان قلاماق
اوزره محاکم رؤسائه تبلیغات مقتضیه ایفای محکمه
مذکوره مدعی عمومیلکندن بیلدرلمش و بوضورت
ایجاب مصلحته و احکام قانونیه موافق بولنش اولدیغی
بیلنیه ایفای مقتضای حقدده در سعادت استیناف
مدعی عمومیلکندن ویریلان مذکوره اوزرینه ایجاب
کیفیت انجمن عدلیه جه لدی انذکر اصول محاکمات
جزائیه قانوننک جمله احکامندن بولندیغی وجهله
مظنون علیک مستنطق حضورنده تعیین ایتدیکی دائمی
اقامتکاه تبلیغات اجرا و اشبو اقامتکاهی مأمورین
عائده سنه معلومات ویرمکسزین ترک ایدرک اوراده
بولنه مامسی اوزرینه حکم غیابی اعطا اولنق لازم کلوب
دیگر صورتله تحریری به مجبوری قانونیه یوغیسه ده مظنون
علیک بولیس دائره سنجه، در دست انشا بر بناده رنجبرلک
منلور، بیان ایلدیکی موقت اقامتکاهنده بولنه مدینی
صورته اوراسی تبلیغات قانونیه ایچون معتبر اوله -
میه جینی جهته بوقیل ارانه اولنان محالدرده بولنه میان

اشخاصک بالتحرری اقامتکاهلری تعیین ایتدیرلمک
لازم کله جکی افاده قلمشدر .

محاکمات و مقررات

ترلا تحریری ماده سندن دولای مظنون اولان
حسن ورفقاسنک بشر کون مدته حبس لرینه واون
بشر بشلک جزای نقدی ایله محکومیتلرینه دائر بابای
عتیق قضاسی بدایت محکمه سی جزا دائره سندن
ویریلان اعلامک تمیزی حقدده اعطا و محلی مدعی
عمومی معاونلکندن اسرا قلنان عرفحال ایله اوراق
متفرعه سی لدی التدقیق مستدعیارک شرائط تمیزیه
جمله سندن اولان بش لیرا جزای نقدینک بر وجه
پشین تودیغندن استثنائیلرینی اثبات ایچون ابراز
واعطا ایلدکری معامله لی عرفحال مرقومونک عهده -
لرنده بولنان املاک مقدار و کمیته مشعر ویرکو
مأموری طرفندن ویریلان شرحی حاوی بولنسنه
و بر شخصک املاک و اراضیسی اولماسی و یا خود او -
لوبده ویرکوی سنویسی حد نظامیسندن دن بولنسی
صور سائر ایله ثروتی بولندیغنه یعنی ایکی بحق لیرای
اعطایه بیقدرت اولدیغنه دلالت ایتیه جکنه نظراً
عرفحال مذکور ظهرنده کی معامله نک بیقدرت شه -
دنامه سی مقامنه قائم اوله میه جینی کی ویرمش اولدقلری
کفالت سندی دخی عادی برورقه دن عبارت اولوب
محکمه جه کفالت اچقه سی تقدیر ایدلدکدن صکره
مقاولات محررلکجه تصدیق لازمکلان ورقه رسمیه دن
غیر معدود اولدیغندن قانوناً شایان قبول کوریه مامش
وشو حالده اصول محاکمات جزائیه قانوننک اوچیوز
یکرمی آلتیجی و اوچیوز یکرمی یدنجی ماده لر احکا -
منک اجرا قلمدینی تحقق ایتمش اولسنه مبنی تمیز
استدعاسنک ردینه محکمه تمیزاستدعا دائره سنجه قرار
ویرلمشدر .

ایتمسندن دولای جنایتله اتهام اولنان اسبایل بن
احمدک بش سنه مدته کورکه قونلسنه دائر لواء مذکور
بدایت محکمه سی جزا دائره سندن اعطا قلنان اون
نومرو لی اعلام محکمه تمیز جزا دائره سنجه تصدیق
ایدلمشدر .

سرفیچه لی اونباشی حسنک ماده قتلندن
دولای جنایتله اتهام اولنان برمدلی یچی اوغلی یشارک
اون بش سنه مدته کورکه قونلسنه دائر اشقودره
ولایتی استیناف محکمه سی جزا دائره سندن اعطا قلنان
اللی نومرو لی اعلام محکمه تمیز جزا دائره سنجه تصدیق
ایدلمشدر .

باندیرمه قضاسنک یکی قریه سندن عمر بن ابراهیمی
قتل ایلدیکی ادعاسندن دولای جنایتله اتهام اولنان
قریه مرقومه اهالیسندن حسن بن محمدک اون بش
سنه مدته کورکه قونلسنه دائر قره سی سنجانغی بدایت
محکمه سی جزا دائره سندن اعطا قلنان اوچیوز طقسبان
ایکی نومرو لی اعلام محکمه تمیز جزا دائره سنجه تصدیق
ایدلمشدر .

ابراهیمک بیاضکنی جرح ایله عمه لادن تعظیل
ایتمسندن دولای جنایتله اتهام اولنان ولی اوغلنک اوچ
سنه مدته کورکه قونلسنه دائر لازستان سنجانغی
بدایت محکمه سی جزا دائره سندن ویریلان اون بر
نومرو لی اعلام محکمه تمیز جزا دائره سنجه تصدیق
اولنمشدر .

بولوادین قضاسنه تابع قوربیجه اووه قریه لی قره
ولی اوغلی علی بن مصطفانک کیفیت قتلندن دولای
جنایتله اتهام اولنان قریه مذکورده لی حسین بن حاجی
خلیلک اون بش سنه مدته کورکه قونلسنه دائر قره
حصار صاحب سنجانغی بدایت محکمه سی جزا دائره -
سندن ویریلان اوتوز آتی نومرو لی اعلام محکمه تمیز
جزا دائره سنجه تصدیق اولنمشدر .

دوزجه قضاسنه تابع قچاقچی قریه لی کودللی اوغلی
عمر اغانک قتل اولنمسندن دولای جنایتله اتهام اولنان

سیروز سنجانغنه تابع قیز بکی قریه سی اهالیسندن
کورکی نیقولایله اشخاص سائرهنک حیواناتی سرقت

قریه مذکورہ لی حاجی علی اوغلی احمد بن حسنک اون بش سنہ مدتہ کورکہ قوتلنہ دائر بولی سنجانی بدایت محکمیسی جزا دائرہ سندن ویریلان اوچوز اوتوز اوچ نومرولی اعلام محکمه تمیز جزا دائرہ سنجه تصدیق اولمشدر .

اوچوز اون بدی سنہ سی اغستوسنک دردنجی کیجه سی غلطه ده ارقادی زقاغنده تودره ومارى وقایه بی روولور قورشونیه و قتل قصدیه جرح ودرسته کیدن پولیس حسین و محب و حکمت اقدیلره دخی اخافه مقصدیه تشهر سلاح ایتدیکی ادعاسیله متهم بولنان سعید حقده اجرا قلنان محاکمه نتیجه سنده مرقومک افعال مذکوریه اجتنابى علی الدرجات وقوعیولان شهادت و معاینه راپورلری مندرجات وامارات سائر ایه ثابت اولدیغندن اول وجهله مجرمیتہ وقانون جزانک یوز سکساجی ماده سی حکمنه توفیقاً مأموریه تشهر سلاح جرأتی سبب شدت طویله برق طقوز سنه مدتہ کورکہ قوتلنہ و مدعیہ شخصیه له مصارف جراحه اوله رق ویرلسی لازم کلان ایکی بیک سکر یوز آلتش غروشک دخی مرقوم سعیددن تحصیلنه محکمه جناحیه قرار ویرلشدر .

٦١ نومرولی نسخده مندرج اضرورم استیناف محکمیسی جزا دائرہ سی اعلامنک مابعدی :

دیگر شاهد سلیمان قریه لی یکریمی بش یاشنده محمد اوغلی بکچی سلیمان مقتولی طایفدیغی و متهمی طایر سده قرابت و مناسبت و برکونه خصومتی بو- لندیغی سولیسلیله تحلیف واستماع اولندقدہ لیلہ وقعه ده یایلا طاملر بی طولاشیرکن (آدم یوقی ؟ بی اوریورلر) دیه برسس ایشیدوب دیکه دیکنده متهم حاضر عباس بکک سنی اولدیغی آکلادیغی و طاملردن آشانی کیدرک عودتده میشه جیلزدن ریلی (کیتمه بک ! مأمور آدمزی اوردی) دیه باغردیغی ایشتمشده بانلریه کیتمدیکی ایچون نه عباس بکی نده مقتولی کورده مدیکتی دریمان ایشدر .

عند الاستطاق عباس بکک (آدم یوقی ؟ بی اوریورلر) دیه سنی کلدیکتی سولیدیک حلاله بوراده بیان آتشی سبی و (مأمور آدمزی اوردی) دیه باغران شخصک کیم ایدوک واوریلان آدمک اسنی سولیبوب سولیدیک و امام سیف اه اقدییه معلوماتی نه صورته بیان ایتدیکی شاهد مرقومدن صورلدقه استطاق دخی عباس بکک اوله جه باغردیغی سولیش

ایسده یازمدقلمی و (مأمور آدمزی اوردی) دیه باغران شخصک (مأمور، حسینی اوردی) دیدیکتی ایشتمش ایسده کندیسنه بک اوزاق و کیجه اولدینی و مرقومک میشه جیلزدن غریب بر آدم بولندیغیچون طایفه مدیغی و امام سیف اه اقدی اوکیجه چارده اولوب فردای کونی کوبه کلدیکنده اولوجهله کیفیت حکایه ایلدیکی بیان آتیش و بونک اوزرینه امام سیف اه اقدی ایه مواجهه لری اجرا اولندقدہ آتک افاده سنی تصدیق ایشدر .

شهادت واقعه قارشی نه دیه چکی متهمدن صو- رلدقه برشی دیتامشدر . جلب مذکره سی اوزرینه ورود ایتاملری سبی شاهد سیف اه خواجه و سلیمان دن صورلدقه قریه- لرنده اولوبوب دیگر قریه لره بولندقلمی ایچون جلب مذکره سندن خبرلری اوله مدیغی بیان ایشدر . کرک بو شاهدلره و کرک بولنه میان دیگر شاهد ستاوت قریه لی مصطفایه دائر اولان مطالعه سی مدعی عمومی اقدیدن صورلدقه مومی ایه سیف اه اقدی و سلیمان حقارنده کی جلب مذکره لرنک اقامتگاهلریه تبلیغ ایلدیکنه دائر اولان مشروحات صدق افاده- لرنی مؤید اولدیغندن جزای تقدیدن غفورلره و دیگر شاهد مصطفی بولنه مدیغی جهته افاده مضبوطه سنک قرائت ایدلسنه قرار ویرلسی طلب ایشدر .

ایجابی لدی المذاکره بر موجب طلب مومی ایه سیف اه خواجه ایه مرقوم سلیمانک جزای تقدیدن غفورلره و مصطفانک افاده مضبوطه سنک قرائت ایدلسنه متفقاً قرار ویرلره ک تفهیم اولنسی متعاقب مرقوم مصطفی بن محمودک افاده مضبوطه سی بالقرائہ مائی : نامروانک تکه جک قریه سی میشه سندن اودون کتورمک ایچون عموجه سی اوغلی مقتول حسین وسائر ایه برابر کیدرلرکن یولده اورمان قورجیسی راست کلوب تذکره اجرتی اوله رق برمجیدیه الیغی و میشه دن عودتلرنده یایلا طاملرینک قارشوسنده کپرودن اورمان مأموری عباس بک کلوب برمجیدیه ده رسم ایستدیکتی و باره لری اولدینی ایچون ملا عبداللهک قاسنی رهن ویردکلمی و مرقوم عباس بک مقتول حسینک او- موزنده کی بالطنی دخی رهن آلق ایستدیکنده ویر- مدیک ایچون بربرلره اوغراشدقلمی صرده عباس بک مذکور قانی چکوب حسینک صول بجاغنه صوقدیغی و مرقوم حسیند (عباس بک بی باره لدی) دیه باغروب دوشدیکتی و عباس بک قما و بالطنی آلوب قاجه رق کابه سنه کپردیکتی و برآز صکره حسینک وفات ایتدیکتی مع التحلیف بیان آتیش اولدیغی حاویدر .

افاده مذکوریه قارشی بر دیه چکی ازلوب اولدیغی

متهمدن صورلدقه مرقوملر اودون رسمی اوزرینه منازعه ایدوب کندیسنک اوزرینه کلدیکلمی و برقا رهن ویرمشلر سده بالطنی کورمدیکتی و آنلر یعنی ارقداشلری مرقومی اوردقلمی بالیان افاده مذ- کورہی دخی قبول ایتیمه چکی سولیسلیه متهم مرقوم طرفدن ویریلان عرخصال قرائت اولمشدر .

مائی : مقتول حسین ایه برابر بولنان اشخاصک مرقومه اولان خصومت وعداوتلری سائقه سیله فعل قتل آنلر طرفدن ایقاع ایدلمش اولدینی حالده کندو- لرنی مجازات قانونیه دن قورتازمق مقصدیه فعل مذکور کی کندیسنه عطف و اسناد ایلدکلمی ، مقتول مرقومک محل کارباندن یوز مترو اوزاق بر محله قتل اولندیغنک ادعاسنده بولنلسی و مقتول حسین آتشی ساعتدن زیاده برمدت حیاته قالمش ایکن جوار قریلر اها لیسنه اعطای معلوماته افاده سنک آلتامسی و کوروه اشقیادن بولنان مقتول مرقومک اقارب ورفقای طرفلرندن کندیسنه برکونه حقارت وتعدی وقوعوبولمسزین اختیار سکوت ایه سمت مقصودلریه فراره مجبور اوللری و فعل قلک رهن الیغی قما ایه وجوده کلدیکنک ناحیه هیئت حضورنده دوقور طرفدن بیان ایدلسی و بشقه قاری اولوب اولمدینی حقیقده مقتولک رفقاسنه وقوعیولان سؤاله اولا قاری اولوب فرار ایدن ارقداشلری کوتوردیکتی و کورده عدم معلومات بیان ایه (بلکه بشقه قاری و ارایدی) یولده افادات متباینه ده بولنلری و مقتولک رفقاسندن بعضلری کندیسنه افترا ده بولنوب قاتلک کیم اولدیغی بیله مدکلمی و مقتولک دخی اولیاده بر افاده سی وقوعوبولدیغی و شمدی نه یولده اداره کلام ایدمچکلمی شاشردقلمی سواری یکریمی ایکنجی آلابی افرادندن مصطفایه بیان ایللری و کندیسنک اوزرنده قان لکسی وسائر آثارک مشهود اولماسی دلالتیه ظاهری و آوان وقوعانده کندیسنک یابلا ده کی باراقده اولدینی دخی اوراق استنطاقیه ده بیان اولنان نوری بک و عبدالرحمن افانک شهادتیه ثابت اولوب رفقاسنک مقتوله اولان قرا تیلرندن طولانی شها- دلرینک معتبر اوله میه جغندن و فعل قلک کندی طرفدن صدور ی احتمالی اولسه بیله بونک قتل قصدیه اوله رق مجرد خطا و دقتسزلک کی غیر اختیاری بر قضایه و یاخود مدافعه نفس و عرض امل و مقصدندن متولد بر مجبوریته و یا سائر بر طراضه به مستند اوله جغندن بیکله برائنه قرار ویرلسی طلبی حاویدر .

اشبو عرخصاله کاه عدم معلومات بیان ایدلمش وکاه فعلک محافظه نفس ایچون مقابله صورتیه وقوع بولدی کوسترلمش اولدینی آکلاشلماغله مقصدی نه ایدوک متهمدن صورلدقه کندیسنک خبری اولوب

مقتولی رفیقلمی اورمش اولدقلمی سولیشدر . (مابعدی کله جک نسخه)

چنک کوبنده ساکن ایتکچی محمد اوسته نک بلدیہ چاوشی محمد جمال اقدی بی اجرای وظیفه حالده تحقیر ایلدیکی تبیین ایلدیکندن مرقوم محمددن برلیرا جزای نقدی آلتسنه

احسانیه محله سنده ساکن سلیمان بکک سبزه چی واسیلی ضرب ایلدیکی تحقیر ایتدیکندن مومی الیغدن بر آلتون آلتوب مضروبہ اعطاسنه یکدیگر کی ضرب ایدن ارن کوبنده ساکن یوز باشی صدق بکک ارباب جیسی سعید بن قناب ایله بخرای جدیدلی محمد افانک بر هفته حبسلیره اغوبک آراه قناری سرق ایدن تیمورچی سترافک اوچ آی حبسنه و ختام مدتده ضابطه جه کفالت آلتنه آلتسنه

بامیه چی علی اغانی ضرب ایدن قزل طور ارقده ساکنه زحیه سعیده قادیندن بر آلتون الهرق مضروبہ اعطاسنه

ترلا باشنده ساکن سلانیک باقه سی محاسبه مدیری ازلت وجه تانک مستأجراً ساکن بولندیغی خانکک اوجاق بانجاسنی تطهیر ایتدیرمیه رک اشتعالنه سببت ویردیکی ثابت اولدیغندن منع حریق نظامنامه سی احکامنه توفیقاً اوچ مجیدیه جزای نقدی آلتسنه بک اوغلنده فریدیه ده ساکن مرتب آواکک ایتکچی سرکزی ضرب و جرح ایلدیکی آکلاشایدیغندن اون کون حبسنه

طوبانی قادیسه غل ناموس سوز سولیدکلمی ثابت اولان یکی محله لی دلال قسقا کی ایه زوجیه سی اقبیه دن بر مجیدی آلتونی جزای نقدی آلتسنه بک اوغلی واسکدار بدایت محاکمی جزا دائره لرجه قرار ویرلشدر .

مُحَامَلَاتُ اِنْتِبَاهِيَّة

کدوس قضای بدایت محکمیسی اعضای سابقه سندن محمد اقدینک محکمه مذکورہ مستطقلکندہ بولندیغی صرده حرکات قانون شکنانه ده بولندیغی خداوندکار ولایتی استیناف مدعی عمومیکنجه اجرا قلنان تحقیقاتی حاوی اوراق مندرجاسندن آکلاشیله رق مومی الیهک محاکمه آلتنه آلتسنه مأذونیت اعطا و مذکور مدعی عمومیکه تبلیغات مقتضیه اجرا ایدلشدر .

اِخْلَافَات

در سعادت استیناف مدعی عمومیکندہ :

لیغوری قتل قصدیه و طبانجه ایه جرح ایلدیکی ادعاسیله مظنون اولوب زمان وقعه دنبرو حال فراده بولنان اوزرته بولی الا کوزلی ضعیف البیه قزال یقلى طویارلاق و بغدادی چهره لی رزه قضاسنه تابع قره دره ناحیه سنده سرتار قریه لی اوزون علی اوغلی یکریمی بش یاشلرنده قورجی یقوبک اصول محاکمات جزائیہ قانوننک مواد مخصوصه سی احکامنه توفیقاً در سعادت جنایت محکمه سنده محاکمه سی اجرا قلنمق اوزره قانون جزانک یوز سکساجی ماده سی موجبجه جنایتله اتهامنه قرار ویرلدیکندن متهم مرقومک هر زره ده کوریلورایسه طویلوب محکمه مذکورہ توفیقخانه سنه تسلیمی لازم کله چکی بالجله ضابطه عدلیه مأمورلرینک معلومی اولمق اوزره اشباوخذو کرفت امری در سعادت هیئت اتهامیه سندن بالتظلم اعطا قلندی .

مُحَامَلَاتُ رِیَاضِيَّة :

اوچوز ارن درت سنہ سی اغستوسنده قره کولی آغلی جوارنده کاش علی بکک متصرف اولدینی اون دویم فوندلنی قصداً احرارک ایلدیکی ادعاسیله متهم بولنان و غن اصل روسجفک اوران قریه سی اها لیسندن اولوب مقدما ککبوزه قصبه سنک مصطفی باشاجامع شریفی مدرسه سنده اوچ سنه اقامت و اخیراً قصبه مذکورده محمد بکک یاشنده خدمت ایدن اوزون بولی الا کوزلی صاری قاش و صاجلی آجیق آلتلی شاب امرد اون اتی یاشنده مهاجر آدم بن مصطفی لدی التجرى بولنه مامش اولدیغندن تاریخندن اعتباراً جانب ریاستدن کندوسنه اون کون مهمل اعطا قلمشدر مهمل معین ظرفده کلدیک حلاله قانونه اطاعت ایتامش نظریه باقیله رق حقوق مدنیه دن استقاط قلنه چی و محاکمه غیایه سی اشاده اموالی حیز آلتنه اله جفی و بوضرعه برکونه ادعایه حق اوله میه چی کی معامله حیزیه حقده دخی مدعی عمومیکه تبلیغات مقتضیه اجرا ایلدیکی جهته اصول محاکمات جزائیہ قانوننک اوچوز تیش رنجی و اوچوز تیش ایکنجی ماده لری احکامنه توفیقاً اشبو قرارنامه بالتظلم اعلان اولنور .

اِضرورم استیناف مدعی عمومیکندہ :

اووه جفک برمان قریه سندن صاری احمد اوغلی علینک لیلا و مسلحاً خانہ سی باصه رق حیواناتیه نقود واشیا وسائر مدنی اخذ و غصب ایلارندن طولانی مظنون اولان کیرلوبک قریه لی محمد اوغلی سلیمان و حوکیو اوغلی اغا وولی و علی ورنک قریه لی حسین

و فرهاد و جمالک فعل مذکورہ محاسرتله فراد ایتدکلمی اولیاده کی اوراق تحقیقه مألرندن آکلاشلمش و حرکتلری قانون جزانک ایکی یوز یکریمی رنجی ماده سی حکمی مستلزم مواد جنایتدن اوله رق ارنجنان سنجانی بدایت محکمه سی جزا دائره سنده محاکمه لری اجرا قلنمق اوزره جنایتله اتهاملریه قرار ویرلمش اولدیغندن مرقومک هر زره ده کوریلورلر ایسه در دست ایدیلره رک محکمه مذکورہ توفیقخانه سنه تسلیم ایلدلمی لازم کله چکی بالجله ضابطه عدلیه مأمور- لرینک معلومی اولمق اوزره اشباوخذ و کرفت مذکره سی اضرورم هیئت اتهامیه سندن بالتظلم اعطا قلندی .

نامروان قضاسنه تابع جنای قریه لی دده اوغلی اسماعیلک لیلا آخوری بابجاسندن اشاغیه اینوب رزه لی بولنان قپوسی آچهرق برراس قصرق و طایحی سرق و قریه مزبورلی تیش اوغلی مولودک نهاداً انشای راهده قصرق و البسه سی غصب ایتک و تعقیبلریه کیدن عساکر شاهانه افراذینه قورشون انداخت ایلک فعللری ایه مظنون بولنان الشکرد قضاسنک جانیک قریه سندن سلیم و عثمان اوغلی علینک افعال مذکوریه محاسرتله فراد ایتدکلمی اولیاده کی اوراق تحقیقه مألرندن آکلاشلمش و حرکات واقعه لری قانون جزانک التیش ایکنجی ماده سی علاوه سی حکمی مستلزم مواد جنایتدن اوله رق اضرورم استیناف محکمه سی جزا دائره سنده محاکمه لری اجرا قلنمق اوزره جنایتله اتهاملریه قرار ویرلمش اولدیغندن مرقومانک هر زره ده کوریلورلر ایسه در دست ایدیلره رک محکمه مذکورہ توفیقخانه سنه تسلیم ایلدلمی لازم کله چکی بالجله ضابطه عدلیه مأمورلرینک معلومی اولمق اوزره اشبو اخذو کرفت مذکره سی اضرورم هیئت اتهامیه سندن بالتظلم اعطا قلندی .

ارنجناک خاخ قریه سندن قاضی اوغلی عمرو حسن بن اسحق ایه رفقاسنک انشای راهده اوکلریه چیقره ق اسب و مرکب و اشیارلری اخذ و غصب ایلامسندن طولانی مظنون علیه بولنان کخ قضاسنک دره قریه سندن کولی یوزک فعل مذکورہ محاسرتله فراد ایتدیک اولیاده کی اوراق تحقیقه مألرندن آکلاشلمش و حرکتی قانون جزانک التیش ایکنجی ماده سنک علاوه سی حکمی مستلزم مواد جنایتدن اوله رق ارنجنان بدایت محکمه سی جزا دائره سنده محاکمه سی اجرا قلنمق اوزره جنایتله اتهامنه قرار ویرلمش اولدیغندن متهم مرقومک هر زره ده کوریلور ایسه در دست ایدیلره رک محکمه مذکورہ توفیقخانه سنه تسلیم ایلدلی لازم کله چکی بالجله ضابطه عدلیه مأمورلرینک معلومی اولمق اوزره اشبو اخذ و کرفت

مذكرة سی ارضروم هیئت اتهامیه سندن بالتتظیم اعطا
اعطا قلندی .

برنجی محکمه تجارنده :

اوستریا دولتی تبعه سندن غلطه ده تیمور خاند
١٨ نومرولو اوطه ده مقیم ژول انکلی نام کسه نک
کوچک بازارده مکتب زقاغنده برنومرولو خانه ده
وسرکه جیده پارس اولتنده ساکن اولدقلری بیان
اولنان تبعه دولت علیه دن قره حسن زاده عزتلو
حاجی علی پاشا ایله شریکی عثمان اغا زاده رفعتلو
مصطفی عاصم بک علیه لارنده درسعات محکمه تجارت
برنجی مجلسنده اقامه ایلدیکی ضرر وزیان دعواسنک
فصل ورؤیتی ضمیمه تنظیم قلنان دعوتیه ورقه سی
مباشری واسطه سیله لاجل تبلیغ مدعی علیه مانک
بالاده کوستریلان اقامتگاهلرینه ارسال قلمش ایسه ده
مومی الیه مانک کوچک بازارده اقامتگاهلری اولمدی
محله مذکوره امامی افندی طرفندن وباطومه عزیمت
ایتدکلی ده ذکر اولنان پارس اوتلی مستأجری
جانبندن ورقه مزبوره زیرینه یزبان شرحدن
اکلاسیله رق مومی الیه مانک معین بر اقامتگاهلری
دخی بولنه مامش ومدعی ژول انکلی وکیلی قسطنطین
افندی تبایغات قانونیه نک اعلانات اجرا سیله ایفاسی
طلب ایدوب طلب مزبور ایسه اصول محاکمه تجارت
نظامنامه سنک یکرمنجی ماده سی حکمه موافق بولنش
اولدیفندن ودعوای مذکورده نک بیک اوچیوز اون
سکر سنه سی مایسنک یکرمنجی طقوزنجی چهارشنبه
کونی ساعت التیده فصل ورؤیتیه مباشرت اوله جغندن
بروجه مشروح اقامتگاهلری مجهول اولان مومی
الیهما حاجی علی پاشا ومصطفی عاصم بک یوم ووقت
مذکورده محکمه مزبوره ده حاضر بولنملری ویاخود
مصدق سندله بر وکیل کوندرملری لازمکله جکی وشاید
کزلر ویا وکیل کوندرملر ایسه حقلرنده غیاباً
معامله قانونیه اجرا اوله جغنی معلوم اولمق اوزره
سالف الذکر ماده قانونیه حکمه توفیقاً تنظیم قلمش
اولان دعوتیه ورقه لری محکمه دیوانخانه سنه تعلیق اولدیفنی
کبی اوراق حوادث واسطه سیله دخی اعلان قلندی .

تجارت بحریه محکمه سنده :

پانغالی جاده سنده ١٦٧ نومرولی خانه ده ساکن
مفلس پلور اوغلی جورجی ذمتنده آلاجغنی اثبات ویا
موقتاً قبول وقید ایتدیرمش اولان آلاجقلیلری
قانوننامه تجارتک اکیوز اون برنجی وانی ولی ایدن
ماده سی موجبجه مفلس مرقم طرفسندن تکلیف
اوله جق قوتوداتونک مذاکره سیچون اشبواوچیوز
اون سکر سنه سی مایسنک اون اوچنجی بازار ایرتسی

کونی ساعت آلتی راده لرنده محکمه تجارت بحریه نک
افلاس اوطه سنه کلری اعلان اولنور .

اعلامات نظامیه اجرا دارنده :

صراف لازارا کینک شریفه عصمت خانم ذمتنده
آلاجغنی اولان مبالغ معلومه نک تأمین استیفاسی
ایچون مدیونه مومی الیه مانک عهده تصرفه سنده اولوب
بالاعلام فروختی محکوم بزنان طاوشان طاشنده کاتب
سنان محله سنده طانی قیو زقاغنده واقع تخمیناً یوز
اوتوز بش آرشون عرصه اوزرینه مبنی تحتانی و فوقانی
بش اوطه وبرمطبخ وبرآخور، تخمیناً طقسان آرشون
باغچه یی حاوی سکر نومرولو بر باب اخشاب خانه نک
نصف حصه سنک تاریخ اعلاندن اعتباراً اون بش کون

محکمه تجارت اجرا دارنده :

یومنوف ولد بخورک متوفی میشون فلیپا ورته سندن
ثاق فلیپا ذمتنده محکوم به اولان آلاجغنی تسویه سی
ایچون محجوز وممهور بولنان انواع چوملک وسپت
اشبوکله جک مایس رومینک بشنجی بازار کونی زندان
قبوسنده چوملکچیلر زقاغنده ساعت اوچدن بیشه
قدر مأمور مخصوصی حضورنده بالمزایده صاتیله جغندن
اشتراسنه طالب اولنلرک ودها زیاده معلومات آلمق
استیانلرک یوم ووقت مزبوره محل مذکورده حاضر
بولنملری محکمه تجارت اجرا دارنده سندن اعلان اولنور .

درسعات جنایت محکمه سنک بیک اوچ یوزاون یدی سنه سنه
مخصوص ایستاستیق جدولیدر :

عدد	
٤٤	اوچیوز اون آلتی سنه سندن مدور مواد جنایه
٢٨٤	اوچیوز اون یدی سنه سنده وارد اولان خصوصات جنایه
٣٢٨	
٢٠	مفسوخیت ادعاسی ومستنطق تعیننی وصور اخری ایله مدعی عمومیاکله اعاده قلنان
٣٠٨	
٢٦٦	اوچیوز اون یدی سنه سی طرفنده حکملری اعطا واعلاماتی تنظیم واسرا قلنان
٤٢	
٢٧	حکملری اعطا قلنوب ضبط واعلاماتی در دست تنظیم اولان
١٥	

محاکملری در دست اولان

عدد	
١٢	یکی کلان
٣	ایلیشکلی بولنان
١٥	